



UNIVERSITÄTS-  
BIBLIOTHEK  
PADERBORN

**Micrologvs|| De Ecclesiasticis|| Observationibvs.||**

**Bernoldus <Constantiensis>**

**Antverpiæ, 1565**

20. Repetitio à superioribus

---

[urn:nbn:de:hbz:466:1-63426](https://nbn-resolving.org/urn:nbn:de:hbz:466:1-63426)

48 MICROL. DE ECCLES:  
municare non negligant, quicunque earundem orationum benedictione foueri desiderant. His ita finitis, subsequitur, Benedicamus Domino, vel, Ite missa est: si tamen aliquod festum fuerit, quod Gloria in excelsis habere debuerit. Respondent omnes, Deo gratias, iuxta Apostolum, pro collatis beneficijs agentes.

*Repetitio à superioribus Missæ.*

CAP. XX.

Luc. 24.

UT autem à superioribus aliquantulum repetamus, postquam sacerdos resurrectionem Domini per coniunctionem corporis & sanguinis Domini denotaue-  
rit, subsequenter etiam pacem populo offerre debebit, sicut & ipse post resurrectionem discipulis suis pacem obtulit, dicens; Pax vobis. Fractio oblationis illam nobis fractionem Panis insinuat, quam Dominus post resurrectionem suam coram discipulis fecit. Communicatio populi, typum illius conuiuij gerit, quod non semel Dominus post resurrectionem suam cum discipulis iniisse legitur. Hos etiam post vltimum conuiuium ab eis discessurus in cœlum benedixit, sicut & sacerdos



dos populum cum oratione post commu-  
 nionem benedicit, videlicet iam citò di-  
 scessurus ab eo, cui tamen prius vt ipse di-  
 scedat, per *Ite Missa est*, denunciat, in fi-  
 guram Angelorū qui discipulis disceden-  
 te Domino ab eis, dixerunt: Viri Galilæi,  
 quid statis aspicientes in cælum? & reli-  
 qua. Quo audito discipuli adorantes Do-  
 minum reuersi sunt in Ierusalem, cū gau-  
 dio magno, sicut & populus relata Deo  
 gratiarum actione ad propria cum gau-  
 dio reuertitur.

*De benedictione post Missam.*

CAP. XXI.

15 P R I V S tamen ab episcopo benedici-  
 tur si adest; sin autem, à presbytero qui  
 Missas celebrauit: Quamuis beatus Da-  
 masus Papa hoc presbyteris non licere di-  
 20 cat, vbi de vana chorepiscoporum super-  
 stitione tractat, si tamen nos mendositas  
 exemplaris non fefellit. Sed magnus Leo  
 Papa & Gelasius Papa, eius successores, in  
 ecclesiasticis officijs apprimè eruditi in  
 25 decretis suis, vbi diligētissimè quid pres-  
 byteris liceat, quidue non liceat, descri-  
 bunt: nullatenus illis benedictionem, ni-  
 D si Epi-